



অবিলম্বে প্রকাশের উদ্দেশ্যে: 10/13/2022

গভর্নর ক্যাথি হোকল

নিউ ইয়র্ক স্টেটজুড়ে পানি সম্পদ অবকাঠামো উন্নয়ন প্রকল্পে অর্থায়নের জন্য গভর্নর হোকলের 31.3 মিলিয়ন ডলার বরাদ্দের ঘোষণা

প্রকল্পগুলো মোহাক ভ্যালি, নর্থ কান্ট্রি, ওয়েস্টার্ন নিউ ইয়র্ক অঞ্চল এবং লং আইল্যান্ডে অবস্থিত

গভর্নর ক্যাথি হোকল আজ ঘোষণা করেছেন যে ছয়টি মিউনিসিপ্যালিটি অতি গুরুত্বপূর্ণ পানি-সম্পদ অবকাঠামোর উন্নয়নের জন্য 31.3 মিলিয়ন ডলার আর্থিক সহায়তা পাবে, যে অবকাঠামোগুলো জনস্বাস্থ্য ও পরিবেশের সুরক্ষার জন্য অত্যন্ত গুরুত্বপূর্ণ ভূমিকা পালন করে থাকে। এনভায়রনমেন্টাল ফ্যাসিলিটিস কর্পোরেশন (Environmental Facilities Corporation)-এর পরিচালনা বোর্ড বর্জ্যপানি এবং সুপেয় পানির প্রকল্পগুলোতে সহায়তা করার জন্য মোট 43.1 মিলিয়ন ডলারের অনুদানের প্যাকেজ অনুমোদন করেছে। এই ঘোষণা নিউ ইয়র্কের পানি ও পয়ঃনিষ্কাশন ব্যবস্থা উন্নত করা, পানি দূষণ কমানো, এবং অতি গুরুত্বপূর্ণ সুপেয় পানির সরবরাহ সুরক্ষিত রাখার জন্য গভর্নর হোকলের গৃহীত সর্বসাম্প্রতিক পদক্ষেপ।

"কমিউনিটিগুলোকে পানি-সম্পদ ব্যবস্থার উন্নতি এবং পানির গুণমান উন্নয়নের ক্ষেত্রে সাহায্য করার জন্য নিউ ইয়র্ক নজিরবিহীন আর্থিক সহায়তা প্রদান করা অব্যাহত রেখেছে," **বলেছেন গভর্নর হোকল।** "পানি-সম্পদ অবকাঠামো উন্নয়ন প্রকল্পগুলোর কাজ শুরু করার জন্য স্থানীয় সরকারগুলোকে সাহায্য করতে তহবিল ও সংস্থানসমূহ প্রদান করা আমার প্রশাসনের একটি শীর্ষ অগ্রাধিকার, এবং আমাদের অবকাঠামোর আধুনিকায়ন করতে এবং ভবিষ্যত প্রজন্মগুলোর জন্য নিরাপদ, নির্ভরযোগ্য পানি-সম্পদ ব্যবস্থা প্রদান করতে আমরা একসঙ্গে কাজ করা চালিয়ে যাবো।"

বোর্ডের এই অনুমোদন এনভায়রনমেন্টাল ফ্যাসিলিটিস কর্পোরেশন-এর মিউনিসিপ্যাল অংশীদারদের জন্য একটি গুরুত্বপূর্ণ মাইলফলক কারণ এটি গ্রহীতাদেরকে তাদের পানি-সম্পদ অবকাঠামো প্রকল্পগুলোর কাজ শুরু করা ও সম্পন্ন করার জন্য কম খরচে অর্থায়ন এবং ইতোপূর্বে ঘোষিত অনুদান অ্যাক্সেস করার সুযোগ করে দেয়। এছাড়াও এই বোর্ড বিভিন্ন দীর্ঘমেয়াদী আর্থিক রূপান্তর অনুমোদন করেছে যা মিউনিসিপ্যালিটিগুলোর ঋণ কমাতে সাহায্য করার জন্য সুদের ক্ষেত্রে ছাড় প্রদান করার মাধ্যমে সম্পন্ন হওয়া প্রকল্পগুলোকে আরো বেশি ব্যয়-সাশ্রয়ী করবে।

নিউ ইয়র্ক স্টেট এনভায়রনমেন্টাল ফ্যাসিলিটিস কর্পোরেশন-এর প্রেসিডেন্ট ও CEO মরিন এ. কোলম্যান বলেন, "এই মাসে ফেডারেল নির্মল পানি আইন-এর 50তম বার্ষিকী উদযাপন করার এই সময়ে, নির্মল পানি-সম্পদের জন্য বিনিয়োগকে অগ্রাধিকার দেওয়ার জন্য EFC গভর্নর হোকলকে ধন্যবাদ জানায়। নিউ ইয়র্কের পানি-সম্পদ অবকাঠামোর আধুনিকায়ন এবং জনস্বাস্থ্য ও পরিবেশের সুরক্ষার জন্য স্থানীয় সরকারগুলোর সঙ্গে কাঁধে কাঁধ মিলিয়ে কাজ করে যাওয়ার এই সময়ে EFC গভর্নরের উচ্চাকাঙ্ক্ষী এজেন্ডাকে এগিয়ে নেওয়ার জন্য দৃঢ় প্রতিজ্ঞ রয়েছে।"

নিউ ইয়র্ক স্টেটের পরিবেশ সংরক্ষণ বিভাগের (Department of Environmental Conservation) কমিশনার এবং এনভায়রনমেন্টাল ফ্যাসিলিটিস কর্পোরেশনের বোর্ডের সভাপতি বাসিল সেগোস বলেন, "স্টেটজুড়ে ক্লিন ওয়াটার এবং ড্রিঙ্কিং ওয়াটার স্টেট রিভলভিং ফান্ড অতি গুরুত্বপূর্ণ মিউনিসিপ্যাল প্রকল্পগুলোকে সহায়তা করেছে যেগুলো জনস্বাস্থ্য ও পরিবেশের সম্ভাব্য ঝুঁকি কমিয়ে আনবে। গভর্নর হোকলের অব্যাহত সহায়তা কাজে লাগিয়ে এবং EFC-তে আমাদের অংশীদারদের সঙ্গে সহযোগী হয়ে কাজ করার মাধ্যমে, কমিউনিটিগুলো এসব যুগান্তকারী প্রকল্পের সুফল ভোগ করতে পারবে বলে DEC প্রত্যাশা করে।"

নিউ ইয়র্ক স্টেটের স্বাস্থ্য বিভাগের (Department of Health) কমিশনার ড. ম্যারি টি. ব্যাসেট বলেন, "নির্মল, নিরাপদ পানি সরবরাহ করা জনস্বাস্থ্যের সুরক্ষার জন্য অত্যন্ত গুরুত্বপূর্ণ এবং নিউ ইয়র্কজুড়ে স্বাস্থ্যকর কমিউনিটি গড়ে তোলার ভিত্তিস্বরূপ। গভর্নর হোকল সুপেয় পানি পৌঁছে দেওয়া এবং পয়ঃনিষ্কাশন ব্যবস্থার আধুনিকায়নের গুরুত্ব অনুধাবন করেন। আগামী বছরগুলোতে পানির গুণমান সংক্রান্ত সবচেয়ে কঠোর মানদণ্ড পূরণ করবে এমন নির্মল পানি সরবরাহ করতে কমিউনিটিগুলোকে সহায়তা করার জন্য আমরা একসঙ্গে কাজ করা চালিয়ে যাবো।"

সেক্রেটারি অব স্টেট রবার্ট জে. রডরিগেজ বলেন, "গভর্নর হোকলের নেতৃত্বে, নিউ ইয়র্ক অতি গুরুত্বপূর্ণ অবকাঠামোতে বিনিয়োগ করা অব্যাহত রেখেছে যেটি সব নিউ ইয়র্কবাসীর জন্য নিরাপদ ও নির্মল সুপেয় পানি সরবরাহ করবে। নিউ ইয়র্ক স্টেটের এনভায়রনমেন্টাল ফ্যাসিলিটিস কর্পোরেশনের মাধ্যমে সম্পন্ন হওয়া এই 31.3 মিলিয়ন ডলারের অতি গুরুত্বপূর্ণ বিনিয়োগ ছয়টি মিউনিসিপ্যালিটিকে নিউ ইয়র্কবাসীদের জন্য সুপেয় পানি ও বর্জ্যপানি পরিবহনের নেটওয়ার্ককে আধুনিকায়ন করা এবং গুরুতর বিরূপ আবহাওয়ায় টিকে থাকার সক্ষমতা উন্নত করার জন্য প্রয়োজনীয় সংস্থানগুলো প্রদান করে সহায়তা করবে।"

বোর্ডের অনুমোদনগুলোর মধ্যে ক্লিন ওয়াটার স্টেট রিভলভিং ফান্ড (Clean Water State Revolving Fund) এবং ড্রিঙ্কিং ওয়াটার স্টেট রিভলভিং ফান্ড (Drinking Water State Revolving Fund) এবং পানি-সম্পদ অবকাঠামো উন্নয়ন (Water Infrastructure Improvement, WIIA) কর্মসূচি অনুযায়ী ইতোমধ্যে ঘোষণা করা অনুদানগুলো অন্তর্ভুক্ত রয়েছে। জলের অবকাঠামোর অর্থায়নের সুযোগগুলির ব্যাপারে আরো জানতে EFC-র [ওয়েবসাইটে](#) যান।

অনুমোদিত পরিষ্কার পানির প্রকল্পে অর্থায়ন

- **ক্যাটারাগাস কাউন্টির পোর্টভিল ভিলেজ (ওয়েস্টার্ন নিউ ইয়র্ক)** - 4,539,750 ডলারের স্বল্প-মেয়াদী, সুদ-মুক্ত অর্থায়ন এবং সংগ্রহ ব্যবস্থার সংস্কার এবং বর্জ্যপানি বিশুদ্ধকরণ প্ল্যান্টের উন্নয়নের জন্য 2,422,000 ডলারের WIIA অনুদান।
- **হার্কিমার কাউন্টির মোহাক টাউন (মোহাক ভ্যালি)** - পয়ঃনিষ্কাশন ব্যবস্থার উন্নয়ন পরিকল্পনা, নকশা ও নির্মাণকাজের জন্য এই টাউনের 6 মিলিয়ন ডলারের স্বল্প-মেয়াদী অর্থায়নের ক্ষেত্রে 1,524,500 ডলারের আসল অর্থ মওকুফ। 4,509,124 ডলারের ব্যালেন্স দীর্ঘমেয়াদী সুদ-মুক্ত অর্থায়ন হিসেবে রূপান্তর করা হবে।
- **নাসাউ কাউন্টির নর্থ হেম্পস্টেড টাউন (লং আইল্যান্ড)** - বেলগ্রেভ পানি দূষণ নিয়ন্ত্রণ ডিস্ট্রিক্ট (Belgrave Water Pollution Control District)-এ একটি নতুন বর্জ্যপানির পাম্প স্টেশনের জন্য 4,033,087 ডলারের দীর্ঘমেয়াদী, সুদ-মুক্ত অর্থায়ন।

অনুমোদিত সুপেয় পানির প্রকল্পে অর্থায়ন

- **জেফারসন কাউন্টির হাউসফিল্ড টাউন (নর্থ কান্ট্রি)** - টাউনের বিদ্যমান ওয়াটার ডিস্ট্রিক্টগুলোর মধ্যে পাঁচটি নতুন সংযোগ স্থাপন, সিস্টেমজুড়ে আনুমানিক 21,300 ফুট লিনিয়ার ট্রান্সমিশন মেইন প্রতিস্থাপন, পানি সংরক্ষণের ট্যাংক স্থানান্তর এবং পাইপিং এর কাজ, এবং নতুন ওয়াটার মিটারের জন্য 2,447,000 ডলারের স্বল্প-মেয়াদী, বাজার দরে অর্থায়ন এবং 3,000,000 ডলারের WIIA অনুদান।
- **এরি কাউন্টির নর্থ কলিন্স টাউন (ওয়েস্টার্ন নিউ ইয়র্ক)** - সাবেক লটন'স ওয়াটার কোম্পানির গ্রাহকদের সেবা দেওয়ার জন্য নর্থ কলিন্স টাউনের লটন'স ওয়াটার ডিস্ট্রিক্ট তৈরি করার জন্য 249,797 ডলারের দীর্ঘমেয়াদী, সুদ-মুক্ত অর্থায়ন এবং 44,113 ডলারের WIIA অনুদান।
- **এসেক্স কাউন্টিতে টিকোন্ডেরোগা টাউন (নর্থ কান্ট্রি)** - নতুন ভূগর্ভস্থ পানির উৎস স্থাপন করতে এবং বর্তমানে ঢাকনাবিহীন পরিশোধিত পানির স্টোরেজ প্রতিস্থাপন করে একটি স্টোরেজ ট্যাংক স্থাপন করার জন্য 8,529,572 ডলারের দীর্ঘমেয়াদী, সুদ-মুক্ত অর্থায়ন।

পানির মানের প্রতি নিউ ইয়র্কের প্রতিশ্রুতি

নিউ ইয়র্ক পরিষ্কার পানি অবকাঠামো প্রকল্পসমূহে বিনিয়োগ বৃদ্ধি করে চলেছে। গভর্নর হোকলের নেতৃত্বাধীন, 2022-23 প্রণীত বাজেট অতিরিক্ত 1.2 বিলিয়ন মার্কিন ডলারের অনুমোদন দেয়, যা ল্যান্ডমার্ক পরিষ্কার পানি, পরিষ্কার বায়ু এবং সবুজ কর্মসংস্থানের পরিবেশগত বন্ড অ্যাক্টের (Clean Water, Clean Air, and Green Jobs Environmental Bond Act) মোট বিনিয়োগ 4.2 বিলিয়ন মার্কিন ডলার করে। এই বছর পরবর্তী সময়ে ভোটারদের সামনে উপস্থাপন করতে যাওয়া এই ঐতিহাসিক উদ্যোগের মধ্যে পুরোনো হয়ে যাওয়া পানি-সম্পদ অবকাঠামো আপডেট করা এবং পানির গুণমান রক্ষা করা; বায়ু দূষণ এবং জলবায়ু-পরিবর্তনকারী নির্গমন কমানো; বন্যপাণীর আবাসস্থল পুনরুদ্ধার; গুরুতর ঝড় ও বন্যা মোকাবেলা করে টিকে থাকার জন্য কমিউনিটিগুলোর সক্ষমতা জোরদার করা; ঘরের বাইরের স্থান এবং স্থানীয় খামারগুলো সংরক্ষণ; এবং সুবিধাবঞ্চিত কমিউনিটিগুলোতে 40 শতাংশ সংস্থান বিনিয়োগ করার লক্ষ্য সামনে রেখে কমপক্ষে 35 শতাংশ বিনিয়োগ করার মাধ্যমে সমতা নিশ্চিত করা, ইত্যাদি অন্তর্ভুক্ত রয়েছে।

পাশাপাশি, বাজেটে পরিষ্কার পানির অবকাঠামোর অর্থায়নের জন্য আরো 500 মিলিয়ন মার্কিন ডলার অন্তর্ভুক্ত রয়েছে, যা 2017 সাল থেকে স্টেটের মোট পরিষ্কার পানির বিনিয়োগ করে 4.5 বিলিয়ন মার্কিন ডলার। এছাড়াও এতে জলবায়ু পরিবর্তন প্রশমন ও অভিযোজন প্রচেষ্টাসমূহের ক্ষেত্রে সহায়তা করা, টেকসই কৃষির প্রসারের জন্য কৃষি সংস্থানগুলোর উন্নতি করা, আমাদের পানির উৎসগুলো সুরক্ষিত রাখা, সংরক্ষণের প্রচেষ্টা এগিয়ে নেয়া, এবং নিউ ইয়র্কবাসীদের জন্য চিত্তবিনোদনের সুযোগ-সুবিধা প্রদান করার জন্য পরিবেশ সুরক্ষা তহবিলে (Environmental Protection Fund) রেকর্ড পরিমাণ 400 মিলিয়ন ডলার প্রদান করা হচ্ছে।

মাউন্ট ভার্ননে পরিবেশগত ন্যায়বিচারের অগ্রগতি

গভর্নর হোকলের নেতৃত্বের অধীনে কয়েক দশক ধরে এই সিটিকে ক্ষতিগ্রস্ত করতে থাকা দীর্ঘমেয়াদী পানি-সম্পদ অবকাঠামো এবং সংশ্লিষ্ট জনস্বাস্থ্য বিষয়ক চ্যালেঞ্জগুলো মোকাবেলার জন্য স্টেট মাউন্ট ভার্ননের মেয়র শেইন প্যাটারসন-হাওয়ার্ড এবং ওয়েস্টচেস্টার কাউন্টির এক্সিকিউটিভ জর্জ ল্যাটিমারের সঙ্গে **150 মিলিয়ন ডলারের ঐতিহাসিক বিনিয়োগ** ও অংশীদারিত্বের জন্য অঙ্গীকারবদ্ধ হয়েছে। এই অংশীদারিত্বের অধীনে মাউন্ট ভার্নন সিটি কাউন্সিল সম্প্রতি 6 মিলিয়ন ডলারের স্টেটের-অর্থায়নে পরিচালিত কন্ট্রাক্ট অনুমোদন দিয়েছে, যা অগ্রাধিকার ভিত্তিতে পয়ঃনিষ্কাশন ব্যবস্থার মেরামত এবং ভবিষ্যতের বর্জ্যপানি সংক্রান্ত প্রকল্পগুলোর জন্য দীর্ঘমেয়াদী পরিকল্পনা শুরু করার ক্ষেত্রে একটি গুরুত্বপূর্ণ মাইলফলক। সিটির পয়ঃনিষ্কাশন ও পানি-সম্পদ অবকাঠামো সংকটের দ্বারা ক্ষতিগ্রস্ত হওয়া মাউন্ট ভার্ননের অধিবাসীদের সহায়তা করার জন্য জুলাই মাসে ঘোষণা করা গভর্নরের অফিস অব স্টর্ম রিকভারির (Office of Storm Recovery) **হেলদি হোমস পাইলট কর্মসূচির** মাধ্যমে বাড়তি 3 মিলিয়ন ডলার তহবিল প্রদান করা হয়েছে। আগ্রহী অধিবাসীরা আরো তথ্য জানতে <https://stormrecovery.ny.gov/mountvernon> ওয়েবসাইট দেখতে পারেন।

স্থানীয় সরকারগুলোকে ক্লিন ওয়াটারশেডস নিডস (Clean Watersheds Needs) সমীক্ষায় অংশগ্রহণ করার জন্য উৎসাহিত করা হচ্ছে

এনভায়রনমেন্টাল ফ্যাসিলিটিস কর্পোরেশন মিউনিসিপ্যালিটিগুলোকে এনভায়রনমেন্টাল প্রোটেকশন এজেন্সি ক্লিন ওয়াটারশেড নিডস সার্ভেতে (Environmental Protection Agency Clean Watersheds Needs Survey) অংশগ্রহণ করার জন্য অনুরোধ করছে, যেটি এনভায়রনমেন্টাল ফ্যাসিলিটিস কর্পোরেশন 1 মার্চ থেকে নিউ ইয়র্কে চালু করেছে। অংশগ্রহণ অত্যন্ত গুরুত্বপূর্ণ কারণ এটি ভবিষ্যতে বিশুদ্ধ জলের পরিকাঠামোর প্রকল্পগুলিতে অর্থায়নের জন্য নিউ ইয়র্ক স্টেটকে কত ফেডারেল CWSRF তহবিল বরাদ্দ করা হবে তা প্রভাবিত করতে পারে। মিউনিসিপ্যালিটিগুলিকে EPA-তে জমাদানের জন্য তাদের সম্প্রদায়ের বর্জ্য পানি অবকাঠামোর চাহিদা নথিভুক্ত করতে বলা হয়েছে। নথি জমাদানের জন্য এবং জমাদানে সহায়তার সংস্থানের জন্য <https://efc.ny.gov/needs> এ যান।

###

আরো সংবাদ পাওয়া যাবে এখানে: www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418